

**MENGALAMI, MENIKMATI,
DAN MENGEKSPRESIKAN KRISTUS
(2)**

PERNYATAAN PENTING

Menerusi inkarnasi, Anak tunggal Tuhan mengenakan keinsanan dan menjadi Tuhan-manusia; kemudian dalam kebangkitan, Kristus dilahirkan menjadi Anak sulung, dan pada masa yang sama, percayawan-Nya dilahirkan menjadi anak Tuhan yang banyak.

Tuhan Tritunggal telah melalui proses menerusi inkarnasi, penyaliban, kebangkitan, dan kenaikan ke syurga untuk menjadi hukum Roh hayat yang dipasangkan dalam roh kita sebagai hukum “saintifik”, suatu prinsip yang automatik; ini merupakan salah satu penemuan yang terbesar, malah pemulihan yang terbesar, dalam ekonomi Tuhan.

Sebagai anak-anak Tuhan, kita ialah Tuhan-manusia, dilahirkan daripada Tuhan, memiliki hayat dan sifat Tuhan, serta kepunyaan spesies Tuhan; sekarang sebagai anak-anak Tuhan, kita harus bergerak-hidup dalam kasih dan cahaya, dengan kasih sebagai substan dalaman Tuhan dan dengan cahaya sebagai elemen terekspresi Tuhan.

Kristus ialah konstituen baju zirah Tuhan, dan doa merupakan satu-satunya cara yang praktikal untuk mengaplikasikan Kristus sebagai baju zirah Tuhan.

Mesej Satu

Benih Daud Menjadi Anak Tuhan

Bacaan Bible: Kis. 13:23, 33; Roma 1:3-4; 8:29

- I. **Dalam Kisah 13, Paulus mengatakan bahawa daripada benih Daud “Tuhan, menurut janji, telah membawa seorang Penyelamat, iaitu Yesus, kepada Israel” (ay. 23), dan bahawa “Tuhan telah menggenapi janji ini sepenuhnya...dengan membangkitkan Yesus, sebagaimana juga yang tertulis dalam Mazmur kedua, ‘Engkaulah Anak-Ku; hari ini Aku telah memperanakkan Engkau’ (ay. 33):**
 - A. Dalam ayat 32 dan 33, kita melihat bahawa Kristus sebagai Anak sulung Tuhan telah dijanjikan kepada leluhur, dan Tuhan menggenapi janji ini dengan membangkitkan Yesus.
 - B. Kebangkitan ialah kelahiran manusia Yesus:
 1. Dia diperanakkan Tuhan dalam kebangkitan-Nya untuk menjadi Anak sulung Tuhan dalam kalangan dikbang yang banyak—Roma 8:29.
 2. Dia ialah Anak tunggal Tuhan dari keabadian—Yoh. 1:18; 3:16.
 3. Selepas inkarnasi-Nya, menerusi kebangkitan, Dia diperanakkan Tuhan dalam keinsanan-Nya untuk menjadi Anak sulung Tuhan—Ibr. 1:6.
 - C. Paulus dapat melihat kebangkitan Tuan dalam Mazmur 2:7: “Engkaulah Anak-Ku; / Hari ini Aku telah memperanakkan Engkau”:
 1. Paulus mengaplikasikan ungkapan *hari ini* pada hari kebangkitan Tuan.
 2. Ini bermaksud bahawa kebangkitan Kristus ialah kelahiran-Nya sebagai Anak sulung Tuhan.
 3. Yesus, Anak Manusia, telah dilahirkan sebagai Anak Tuhan dengan dibangkitkan daripada yang mati; oleh itu, Tuhan membangkitkan Yesus daripada yang mati ialah Dia memperanakkan Yesus untuk menjadi Anak sulung-Nya—Kis. 13:33.
 - D. Menerusi inkarnasi, Anak tunggal Tuhan mengenakan keinsanan dan menjadi Tuhan-manusia (Yoh. 1:14, 18; Luk. 1:35); kemudian dalam kebangkitan, Tuhan-manusia ini telah dilahirkan daripada Tuhan untuk menjadi Anak sulung-Nya (Kis. 13:33; Ibr. 1:6; Roma 8:29):
 1. Sebelum inkarnasi, Anak tunggal Tuhan tidak mempunyai sifat insani; Dia hanya mempunyai sifat divin.
 2. Dalam kebangkitan, Anak sulung Tuhan mempunyai sifat insani dan juga sifat divin.
 - E. Menerusi kebangkitan Kristus, Dia dilahirkan sebagai Anak sulung; pada masa yang sama, percayawan-Nya dilahirkan menjadi anak Tuhan yang banyak—1 Ptr. 1:3; Ibr. 2:10:
 1. Dalam kalangan anak yang banyak, hanya Yang Sulung ialah Anak tunggal Tuhan—Yoh. 1:18; 1 Yoh. 4:9.
 2. Anak tunggal Tuhan ini, dalam keinsanan-Nya yang dibangkitkan, juga ialah Anak sulung Tuhan—Roma 8:29.
 3. Yang Sulung itu mempunyai kedivinan dan keinsanan; kita, iaitu percayawan-Nya sebagai anak Tuhan yang banyak, juga mempunyai sifat insani dan sifat divin—2 Ptr. 1:4.
- II. **Kita perlu mengenali Kristus dalam kebangkitan, yang dilantik tentu dalam kudrat sebagai Anak Tuhan dengan mempunyai sifat insani—Roma 1:3-4:**
 - A. Sebelum Kristus berinkarnasi dan bangkit, Dia ialah Anak Tuhan, iaitu Anak tunggal—Yoh. 1:18; 3:16.

Mesej Satu (sambungan)

- B. Walaupun sebelum inkarnasi Kristus sudah pun merupakan Anak Tuhan, namun Dia masih perlu dilantik tentu sebagai Anak Tuhan daripada kebangkitan kerana melalui inkarnasi, Dia telah mengenakan sifat insani yang tidak ada kena-mengena dengan kedivinan—1:1, 14; Roma 8:3:
1. Selepas Anak Tuhan berinkarnasi, sifat divin-Nya tersembunyi oleh tubuh daging.
 2. Kristus sudah pun merupakan Anak Tuhan dalam kedivinan-Nya, namun bahagian-Nya yang merupakan Yesus bersama dengan sifat insani yang dilahirkan daripada Maria, bukan Anak Tuhan—Luk. 1:31-32, 35.
 3. Melalui kebangkitan-Nya, Kristus telah menguduskan dan meninggikan sifat insani, iaitu keinsanan-Nya, dan Dia dilantik tentu daripada kebangkitan sebagai Anak Tuhan dengan membawa sifat insani ini; dalam erti kata ini, Dia diperanakkan menjadi Anak Tuhan dalam kebangkitan-Nya—Roma 1:3-4; Kis. 13:33; Ibr. 1:5.
 4. Pelantiktentuan Anak Tuhan ini adalah “dalam kudrat”, yakni kudrat kebangkitan Kristus; realitinya ialah Roh itu—Roma 1:4; Flp. 3:10; Ef. 1:19-20.
- C. Menerusi pelantiktentuan dalam kebangkitan, Kristus yang sudah pun merupakan Anak Tuhan sebelum inkarnasi-Nya, telah menjadi Anak Tuhan dengan cara yang baru—Roma 1:4:
1. Sebelum inkarnasi-Nya, Dia ialah Anak Tuhan yang hanya mempunyai kedivinan; menerusi kebangkitan-Nya, Dia dilantik tentu sebagai Anak Tuhan yang mempunyai kedivinan dan juga keinsanan—ay. 4.
 2. Jika Kristus tidak pernah mengenakan sifat insani, Dia tidak perlu dilantik tentu sebagai Anak Tuhan kerana dalam kedivinan-Nya Dia sudah pun merupakan Anak Tuhan, bahkan dari keabadian—Yoh. 1:18; 17:5.
 3. Setelah mengenakan keinsanan menerusi inkarnasi, Dia dilantik tentu sebagai Anak Tuhan yang mempunyai keinsanan dalam kebangkitan—1:14; Roma 8:3; 1:3-4; Ibr. 2:14:
 - a. Sebagai Anak Tuhan yang dilantik tentu, Kristus memiliki dua sifat, iaitu kedivinan dan keinsanan; keinsanan yang dimiliki-Nya sekarang bukan keinsanan alamiah, tetapi keinsanan yang ditinggikan dalam kebangkitan—Roma 1:4.
 - b. Bahkan sifat insani Kristus telah dilantik tentu sebagai Anak Tuhan, kerana Dia telah dilantik tentu sebagai Anak Tuhan yang mempunyai kedivinan dan juga keinsanan.
- D. Pelantiktentuan Kristus sebagai Anak Tuhan yang mempunyai keinsanan adalah “menurut Roh kekudusan”—ay. 4:
1. Roh kekudusan ialah esens hayat dalam Tuan Yesus; ketika Dia hidup di bumi dalam tubuh daging, Dia mempunyai esens ini dalam-Nya—Mat. 1:18, 20; Luk. 1:35.
 2. Apabila Tuan Yesus dibangkitkan daripada kalangan orang yang mati, Dia dilantik tentu sebagai Anak Tuhan dalam kudrat melalui kebangkitan menurut Roh kekudusan yang ada dalam-Nya—Roma 1:4.
 3. Kini Dia ialah Anak Tuhan dengan cara lebih menakjubkan daripada dahulu, kerana kini Dia memiliki sifat divin dan sifat insani yang dibangkitkan, di-transform, ditinggikan, dimuliakan, dan dilantik tentu—6:4; Luk. 24:26; Yoh. 17:5; Kis. 3:13.

Mesej Satu (sambungan)

E. Kita perlu mengaitkan Roma 1:3-4 dengan 8:29:

1. Menerusi inkarnasi, penyaliban, dan kebangkitan-Nya, Kristus, yakni Anak Tuhan, menjadi Anak sulung; anak yang banyak pula, yakni para dikbang Kristus, sedang dikonform kepada imej-Nya—Ibr. 2:10-11; Roma 8:29.
2. Dalam Roma 1:3-4, Kristus Anak Tuhan ialah prototaip, manakala dalam 8:29, dikbang yang banyak ialah orang yang “dihasilkan secara besar-besaran” daripada prototaip itu; mereka ini akan dikonform kepada imej Anak sulung dengan diselamatkan dalam hayat.
3. Ini membawa kita kepada perkara berkenaan deifikasi dan mengimplicasikan bahawa hasrat Tuhan dalam ekonomi-Nya ialah menjadikan diri-Nya manusia supaya dalam Kristus, kita, iaitu percayawan dalam Kristus dan anak-anak Tuhan, dapat menjadi Tuhan dalam hayat, dalam sifat, dan dalam konstitusi (tetapi bukan dalam Ketuhanan); implikasi ini amat besar sekali, dan akhirnya Bible berkonsumasi dengan perkara ini—Roma 8:29; 1:3-4; Yoh. 1:1-13; 1 Yoh. 3:1; Wahi 21:2, 10-11.